


兵考

邊禁  
烽燧

文獻備考







東國文獻備考卷之一百三十六

校正

兵考 十三

補邊禁

補新羅始祖三十年樂浪人來侵見邊人夜戶不扃  
露積被野相謂曰民不相盜可謂有道之國吾儕潛  
師襲之無異於盜得不愧乎乃引退

補婆娑王八年築加召馬頭二城以補不虞

詳見輿地考

補三十三年音汴伐國與悉直谷國爭疆詣新羅請  
決王謂金官國首露王年老多智識召問之首露立



決以所爭之地屬音汁伐國

詳見輿地考

補訥祗王三十四年高勾麗邊將獵於悉直原新羅何瑟羅城主三直出兵掩殺之高勾麗王怒使告曰孤與大王修好已久今殺我邊將是何義耶乃興師侵西邊新羅王卑辭謝之乃歸

補興德王四年新羅於沿邊要害皆置鎮唐息郡居海邊要路故罷郡置唐城鎮

補文聖王六年以西北海要路置穴口鎮

今江華

補百濟始祖八年築馬首城豎甌山柵與樂浪失和

詳見輿地考



補二十四年立熊川柵馬韓王遣使責之王慙遂據

之

詳見輿地考

補仇首王四年設二柵於沙道城側移赤峴城卒成

之

詳見輿地考

補辰斯王三年發國內人年十五以上設關防自青

木嶺北距八坤城西至于海

詳見輿地考

補武寧王七年立二柵以備靺鞨

詳見輿地考

補高麗太祖十四年置安北府及刪德鎮謂有司曰

北藩人面獸心飢來飽去見利忘恥今雖服事向背

無常宜於所過州鎮築城外待之



補成宗三年命刑官御事李謙宜城鴨綠江崖以為  
闕城女真以兵過之虜謙宜而去軍潰不克城

補四年契丹伐女真路由我境女真謂我導敵構禍  
曰誣譏于宋云高麗與契丹倚為勢援標掠生口我  
使韓遜齡之如宋也帝出示女真所上契契至是宋  
使韓國華賁詔至王曰女真貪而多訴前冬再馳木  
契言契丹兵將至其境本國猶疑虛偽未即救援契  
丹兵果至殺掠甚衆餘族遁逃于本國懷昌威化契  
化之境契丹兵追捕呼我戍卒言女真每寇盜我邊  
鄙今已復讐整兵而回於是女真來奔者二千餘人



皆資給遺還不意反潛師奄至殺掠吾吏民駭虜丁  
壯沒為奴隸以其世事中國不敢報惡豈期反相誣  
告以惑聖聰本國歲稟正朔謹修職貢深賀罷靈敢  
有二心交通外國況契丹介居遼海之外復有二河  
之阻無路可從且女真遜難受本國官職者十數人  
尚在望召赴京闕令八貢之使庭辨庶幾得實國華  
許之

補十年逐鴨綠江外女真於白頭山外居之

補十二年遼蕭遜寧來爭疆事○十四年徐熙逐女

真築安義等鎮

并詳見  
輿地考



補德宗卽位平章事王可道奏契丹與我通好交贄  
然有並吞之志今其主殂逝駙馬匹榜叛據東京宜  
乘此勢請毀鴨綠城槁契丹作槁見輿地考歸所留我行人若  
不見聽可與之絕曰賀使金行恭之行附表以請契  
丹不從

補元年契丹遣留使至來遠城不納遂成朔州寧仁  
鎮沁川等縣以備之

補靖宗元年契丹來遠城牒興化鎮曰竊念貴國元  
為附庸先帝每賜優洽積有歲月靡捲楊航昨因伐  
罪之年致阻來庭之禮既剪除於兇逆合繼續於貢



輸曷越數年不尋舊好累石城而擬遮大路豎木寨而欲礙奇兵不知蜀國之中別有石牛之徑舉是後也深取誚焉今皇上紹累聖之基垌統八方之國界南夏帝主永慕義而通歡西土諸王長向風而納款唯獨東溟之域未賓北極之尊或激怒於雷霆何安寧於黎庶○寧德鎮回牒曰來示云昨因伐罪之年致阻來庭之禮既剪除於虎逆合繼續於貢輸者竊念當國於延琳作亂之初是大國興兵之際道途艱阻人使寢傳厥後內史舍人金哥慶克復於東都戶部侍郎李守和續進獻其方物先大王之棄國也閭



門使蔡忠顯將命告終先皇帝之昇遐也尚書左承  
柳喬遠征而會葬今皇帝之繼統也給事中金行恭  
乘傳而朝賀然則平遠以來就日相繼豈可謂致阻  
來庭之禮乎又云累石城而擬遮大路豎木寨而欲  
礙奇兵者且義文設險有土常規魯國廢關通人深  
誠是以列茲城塞備我提封蓋圖其帖息遠氓非欲  
以負阻皇化又云唯獨東溟之域未賓壯極之尊者  
昨綠楊航六使被勒留於上國之中宣定兩城致八  
築於我疆之內未蒙還復方切禱祚幸遇陛下啓運  
惟新與民更始天上之汪洋四洽日邊之章奏尋陳



乞放行人並歸侵之無由得請以至于今倘念慤實之誠敢怠樂輸之禮祇在恩命何煩責言又云或激怒於雷霆何安寧於黎庶者伏想今皇上字小情深聽卑道廣乃睠寅賓之域以加推置之恩於我無辜有何憑奴細詳來晦似涉戲言

○補十年東女真將軍烏乙達等一百四十四人來獻馬奏曰我等在貴國之境慕化臣服有年每慮醜虜來侵未獲展居今築三城以防賊路故來朝以謝王優賞遣還

○補文宗元年以霜陰鶴浦二縣

并安遼

海當遼賊之



衝設置軍戍

補四年東女真寧塞將軍藍漢等九十人來獻馬豹鼠皮賜物有差藍漢等十五人以曾犯邊留之

補九年都兵馬使奏契丹前太后皇帝詔賜鴨江以東為我國封境然或置城槁或置弓口欄子漸踰舊限今又創立郵亭蚕食我疆宜送國書於東京留守陳其不可遂致書曰當國襲箕子之國以鴨江為疆矧前太后皇帝玉冊頒恩賜茅裂壤亦限其江頃者上國八我封界排置槁罌榜航納款藍勤於朝天霄闡抗章乞復其舊土至今未沐俞允方切禱祚又彼



近日来遠城軍夫逼通我城移設方口門又欲創亭  
舍材石既時遠民騷駭未知何意伏冀大王親隣軫  
念懷遠宣慈善奏黠獮還前賜地其城槁方欄亭  
舍悉令毀罷

補十一年制曰去年遣使契安請罷方口門外郵亭  
時未撤毀又於松嶺東北漸加墾田或置庵子屯蓄  
人物是必將以侵我疆也當亟請罷中書省奏彼朝  
時無擾邊且新皇帝卽位來加冊命今未回謝先言  
疆場之事似為不可王曰彼若先置城柵則非惟噬  
臍彼必謂我不覺也宜先遣使謝冊繼行奏請



補二十七年東女真歸順州都領古刀化等率衆內  
附乞為郡縣賜古刀化姓名孫保塞授懷化大將軍  
其餘皆賜姓名及爵○西北面兵馬使奏西女真酋  
長漫豆弗等請依東蕃分置州郡平虜鎮近境蕃帥  
柔遠將軍骨於夫及覓害村要結等亦願附籍永為  
蕃屏檢得戶三十五口二百五十二請載版圖從之  
又奏內附蕃人都領多於皆等以三山村賊殺掠人  
物與定州即將文選出擊有切請加恩賞侍中崔惟  
善等議三山村賊本非犯邊之寇今蕃軍不曰朝旨  
以報私讐若加褒賞反招仇惡請勿行賞從之○東



北面兵馬使奏三山大闌支櫛等村蕃長一千二百  
三十八戶來請附籍請令有司奏定州縣且賜朱記  
從之○東路兵馬使奏東蕃大齊者古河倉等部落  
蕃長願為州縣此族所處遼遠在古未嘗朝覲今皆  
歸服請待嶺外諸蕃盡為州縣然後定其封疆許之  
○翰林院奏東女真大蘭等十一村內附者請為濱  
利福恒舒濕閩載敬付院十一州各賜朱記仍隸歸  
順州從之

補二十九年柳弘審定地分朴寅亮請毀保州槁表

詳見輿  
地考



○補三十年有司奏北朝於定戎鎮關外設置庵子請遣使告請毀撤從之

○補三十三年東女真耶色幹來款云父阿羅弗母吳曬兀齊主那等六人曾於丁巳年向化來投願隨居之王曰夷狄雖同禽獸尚有孝心宜令隨父母親屬徙置嶺南

○補三十五年知西北面兵馬使王衍奏西蕃酋長阿夫洩等九人專心保塞宜加爵賞命以阿夫洩等三人為柔遠將軍山豆等六人為懷化將軍各賜物有差○西女真酋長遮亶等六人來獻鐵甲仗兵賜衣



帶絲帛有差制曰凡東西酋長欲來見者兵馬使申報取旨後方許赴闕以為永制○西女真漫豆等十  
七人挈家來投禮賓省奏舊制本國邊民曾被蕃賊  
所掠懷土自來者與宋人有才藝者外若黑水女真  
並不許入今漫豆亦依舊制遣還禮部尚書盧朝奏  
漫豆等雖無知之俗慕義而來不可拒也宜處之山  
南縣以為編戶從之

補宣宗五年遼議置鴨綠江權場遣使爭辨

詳見輿地考

補十年平章事邵台輔奏北路邊城將士多自山南  
州郡選補丁田在遼資產貧乏若有兵事并為先鋒



請自今令八遠使臣揀取其壯健者以為儻從因使覘察疆域事體且有互市之利人必競勸許之○西海道按察使奏安西都護府轄下延平島巡檢軍捕海船一艘所載宋人十二倭人十九有弓劍甲鏐並水銀真珠流黃法螺等物必是兩國海賊共欲侵我邊備者也其兵仗等物請收納官所捕海賊並配嶺外賞其巡捕軍士從之

補甫宗六年都兵馬使奏遼東京移文請罷靜州關內軍營頃在大安中遼欲於鴨綠江置亭子及權場朝廷遣使請罷遼帝從之今亦宜從其請制可



補九年東女真伊位界上有連山自東海岸掘起至我北鄙險絕荒翳人馬不能度間有一徑俗謂瓶頂言其出八一穴而已若塞其徑則女真路絕故邀功者往往獻議出師至是因邊將李日甫所奏遣平章事林幹率師伐之敗績而還於是女真乘勝闡八定州宣德關殺掠無數復遣樞密院使尹瓘伐之亦不利卑辭請和而還

補睿宗三年尹瓘拓地立碑公嶮鎮以先春嶺定界

詳見輿地考

補尹瓘命諸軍撤內城材瓦以築九城兵馬使金



漢忠執不可曰如外城未畢而卒有緩急內無完城民將何保元帥雖有命吾不敢從後竟如其言

補四年議還九城○十一年遼來遼抱州來附○十

二年遣平章事金祿措置北邊疆事

并詳見興地考

補十四年增築長城三尺金遣吏發兵止之不從報曰修補舊城金主勅邊吏曰毋得侵軼生事俱慎固營壘廣布耳目而已

補仁宗四年金遣宣諭使高伯烏至忠等來金主勅伯叔等曰高麗允遣使往來當盡循遼舊仍取保州路及邊地人口在彼界者須盡數發還若一一聽



從卽以保州地賜之保州卽拖州也○遣衛尉卿金  
子鏐等如金謝表曰高伯叔至密傳聖旨保州城地  
分許屬高麗更不收復劫以勾麗本地主彼遼山平  
壤舊墟限於鴨綠累經遷變逮我祖宗值北國之無  
并侵三韓之分野雖降隣好未歸故疆及乎天命維  
新聖王旣作見兵師之起義致城堡之無人當臣父  
先王時有大朝邊臣沙乙何來傳皇帝勅旨曰保州  
本高麗地分高麗收之可也先王於是理其城池實  
以民戶當此之時雖小邦未嘗臣屬上國而先帝特  
欲寵綏隣藩霑以訓辭賜之舊土及後嗣之繼序遭



聖德之承天備認德音恭修臣職惟此東濱之寸土  
本為下國之邊陲雖嘗見辱於契丹謂已拜恩於先  
代特推異渥仍屬契封豈僥倖而致此蓋遭愚之異  
甚

○補毅宗十九年先是隣靜二州近江諸島金人或來  
間樵牧亦有來居者兵馬副使金光中欲復地邀功  
擅發兵擊之火其廬舍仍置防戍屯田時賀生辰使  
金莊在金金主讓之曰邊境不虞爾主使然耶若邊  
吏為之爾主當懲之莊還奏王乃還其島命撤防守  
兵馬副使尹麟瞻恥削土不從命金大夫營主遣銃



卒七十餘人攻二州境內之島執防守別將元尚等  
十六人以歸鱗瞻惧與義州判官趙冬曦密謀移牒大  
夫營請還俘翌日還之鱗瞻秘不奏

補明宗八年金八將軍兵來屯義州關外兵馬使廉  
信若遣人詰之荅曰聞西京趙位寵請兵西宋欲伐  
我故屯兵以備之非有他故也又詰曰位寵已誅宋又  
阻大海無路請兵此皆虛說請問告者名金將曰龍  
州人某也信若使人往索某人已逝令諸城物色  
求之得於永清縣鞠之果服曰吾父常以國家密事  
往告金人多獲厚利臨死囑我故我以此恐喝邀彼



厚賞耳遂誅之沒其母為官婢

補高宗三年金東京總管府移牒云萬奴餘黨逃在山林既此賊之失利捨貴邦而何之竊恐巧言詐謀間牒兩國旁生侵擾若或過界便捉以送近者契丹餘寇西欲渡河聞之韃靼約會本朝大軍夾攻掩殺自知無所歸而奔波逃去潛犯婆速境已令會合諸道大軍指日來到一行軍數浩大竊恐闕誤糧食馬匹瘦弱以此欲借糧儲馬匹貴國宜量力起送時金宣撫蒲鮮萬奴遽遼東僭稱天王國號大真先是金再牒乞糴國家令邊官拒而不納自去年金人曰兵



亂資竭爭賈珍寶款義靜州關外互市米穀至以銀  
一錠搜米四五碩故商賈爭財厚利雖嚴刑籍貨然  
猶貪黷無厭潛隱互市不絕金將率兵到關責云何  
棄舊好不遁古糴乎乃擄十餘人而去

④補四年金來遠城移堞寧德城曰版賊萬奴本與契  
丹同心若并軍往侵貴邦其患不小且為貴邦所擊  
則必奔還我國苟犯貴邦宜急報之我即出軍掩擊  
寧德城回牒曰丹兵曾入我疆屢致摧挫若萬奴繼  
至恐分我軍力以致丹寇復振若侵上國事在俄頃  
未可及報請預設兵馬遮阻萬奴使不至於弊邑弊



邑亦隄防丹兵無使至於上國

補十一年東真國遣使牒曰本國於清州貴國於定

州各置權場依前賣買不許

詳見輿地考

補十二年蒙古使還渡鴨綠江中途為盜所殺蒙古

反疑我遂與之絕

詳見輿地考

補十六年東真寇和州掠牛馬人口長平鎮長陳龍  
甲遣人諭以約束皆棄去

補三十四年東真國千戶牒云我國人逃入貴國五  
十餘人可悉送還回牒云自貴國至我疆山長路險  
空曠無人往來道絕貴國妄稱推究逃人或補山獵



越境橫行其於帝旨各安土著之意何如自今無故越境一並禁斷

補蒙古四百餘人八塞諸城托言捕獮至于遂安凡山川隱避之處無不覘知國家以為和好殊不為意其後來侵百姓避匿者并被駭掠

補忠烈王元年募人受爵戊耽羅

補三年令親從將軍金子廷押送防守軍於耽羅

補五年元置伊里干令鴨綠江內令本國自置兩所

補二十三年元遣使遼陽路推刷己未以後被虜及

流民歸之凡三百五十戶

詳見  
驛遞



①忠肅王後六年元勅高麗人不得虛藏軍器執把  
弓箭官負留存馬匹外盡行拘刷於是百官皆不視  
事征東省據世祖不改土風之詔奏請始許弛禁

②恭愍王五年東北面兵馬使柳仁雨等攻破雙城  
收復咸州以北雙城總管趙小生卓都卿等棄妻子  
逃入伊板嶺北立石之地遣政堂文學李仁復如元  
上表曰趙小生卓都卿等今在逃竄竊恐構釁生事  
恭惟朝廷薄海內外莫非王土尺寸不毛之地豈計  
彼此哉伏乞歸我舊疆雙城三撤以北許立關防祖  
王以來庶孽之子必令為僧所以明嫡庶之分杜覲



覩之萌今有塔思帖木兒自謂忠宣王孽子亦嘗剃髮及長還俗奔于京師誘致本國群不逞之徒扇起訛言眩惑人心若此人者其於朝廷豈有小益乞將此人及其黨與發還本國

補八年遼瀋流民二千三百餘戶來投分處西北郡縣官給資糧先是本國人亦有渡鴨綠江居者以兵亂皆自還

補十一年以壽春君李壽山為東北面都巡問使定女真疆域

補十五年判典農寺事僕長壽上書言兵事曰倭



寇防守最為緊急其防守之處遠者相去五六十里近者二三十里賊可由此入寇而濱海村落之民或踈或密四散而居彼賊多則千百成群小則什伍為隊妖謀詭計言所難窮清明之晝則尚可覘其來縱驗其多小以為警備昏晦之夜則候望難遠故往往出我不意肆其陸梁多則虛張聲勢指西向東俟我兵勢互分潛為襲搗或棄防戍而直趨居民或捨居民而先襲防戍小則預遣間諜俟其富實之家潛為剽劫比官兵得知而追逐賊已飽載而遙遁於是加發男丁則民已殘而盜已



去及其放遣則民才去而盜復來故民無得食之時兵無可用之勢

⑦補又曰沿海百里之間方三十里或五十里膏腴可耕之地擇形勢平夷有薪水處計戶衆寡築城堡以二三家為率設官守以居之俾接屋連牆僅容其衆除屋舍外止留穀場其園圃俱於城外給之凡城塹高深上置樓櫓門置鉤橋其餘守具隨宜布置城塹之間多掘品字小坑樹鹿角以遏往來嚴更鼓謹烽煙及耕耘之時則遠者不過二十餘里晨出暮入往來無難禾熟則隨刈隨輸毋使



稽緩設有賊至則少壯登城老弱供給分方面而  
堅拒守之志通烽燧以招隣救之兵隣城有急擇  
精騎以赴之其知不相赴救者罪及所統之官夫  
賊之往來恃潮水為期非欲攻城略地以謀久長  
時以寇抄為心已而既無所得勢必還退於是乘  
釁以襲之多方以誤之使其勇無所施衆無所用  
掠則靡獲攻則不能進有復背受敵之憂退有首  
尾衝決之患以我之逸待彼之勞則不戰而屈人  
兵盜可制而民可息矣

補

二十二年納哈出遣文哈刺不花來江界萬戶康



永殺從者十餘人而掠其財哈刺不花以數騎逃去  
王聞之遣人招還繫永巡軍府罪之

補辛禡十四年鐵嶺迤北立衛遣使詳辨已而還寢

詳見輿地考

補恭讓王三年以安魯生為西北面察訪監互市詳見

市余考

補四年兀良哈幹都里來朝饗王兼饗諸軍事時我太祖

為諸軍事○詳見輿地考

補本朝太祖三年帝以本國行禮遼東責詔詳見朝聘考

補五年降倭仄六等來獻土物上引見賜衣冠六曰



殿下撫綏降者不念舊惡願請士而為氓上曰降者非獨汝也受降者非獨我也天下皆是汝去則不必追來則不必拒去就惟汝心耳汝可還與爾輩言之其中豈無有福智者乎六感泣而退

補六年使李之蘭招安女真被髮之俗盡襲冠帶與國人相婚嫁服役納賦同於編戶自孔州迤北至于甲山迤袤千里皆入版籍或親來朝或遣子弟或請受爵命近江而居者與國人爭訟則官辨其曲直又於邊將畋獵之時皆願屬三軍獲獸則納官犯律則受罪與國人無異



補太宗六年曰都巡問使朴信言置貿易所於鏡城

慶源

詳見市  
余考

補遣按撫使金隣兩刷出鬱陵島流民○世宗朝遣

萬戶南顥往搜逋民○成宗朝遣朴宗元往覓三峰

島因風濤不得泊而還

并詳見  
輿地考

補十九年設置六鎮

詳見輿  
地考

補金宗瑞設置六鎮為政嚴厲吏士苦之膳夫累

置蠱不能殺一日夜宴市中酒尊色不動曰奸人試

我耳彼何能為及既成而與將士戍之凡一宴裨

將百人皆設牛脚大截或規其不節答曰此塞為



國興王之地祖宗所欲恢而未果今幸拓疆將士  
十年遠戍不若是無以慰之况作事之始不可以  
涼今雖用一牛脚後十數年則鷄脚亦不瞻將士  
謳歌思歸則雖與固圉乎

補柳成龍題六鎮疏後曰國朝名卿功業之盛  
莫過於建置六鎮今觀此疏布置宏遠議論恢  
張使世之庸夫孺子小智淺慮取辦口頭沮敗  
人家國事者氣索而不敢容其喙亦可謂一代  
之奇才而實世廟之善任有以致之也

補二十四年達達使人賁書至我北門招諭邊將語



之曰天無二日民無二王今大明皇帝統一天下汝何發不道之言乎拒不納上馳奏京師降勅嘉獎

補二十六年對馬一歧等島賊倭侵竊上國沿海之

地又犯我濟州上使人諭島主捕送島主奉命執送

遂歸之京師前後凡六十餘名皇帝降勅嘉獎

詳見朝聘

考

○東良壯住兀良哈浪甫也隱豆曾弑父者也是

年來朝上以為大逆之人天地所不容王法所不赦東良壯密爾我境久霑王化不可不誅令有司輟之境上下教諭野人野人皆震懼

補紀年通攷曰將討李滿住也衆皆以為當討許



稠獨曰此輩倔強一與之讐世世報復不可輕舉  
後因遣將之策上欲招撫忽刺野人稠曰獠俗喜  
人怒數谿壑無厭不可招撫不允

①補成俛曰麗季倭寇充斥以其沿海四面無置  
鎮防守處也自太祖開國以後於海港要害處  
皆置萬戶營水軍處置使領之由是倭寇稍息  
其後倭亦作梗世宗命三軍征對馬島雖不得  
大捷而倭亦畏威不敢肆有倭數戶欲居三浦  
世宗嘉其慕義而許之許稠泣諫曰倭奴下臣  
乍版其心難測豈可使鱗介之胡間我衣裳之



人後日生齒漸繁當為國之巨害臨卒亦再三陳  
啓請及未盛而刷還之當其時人皆以稠言為  
柔常而不甚駭至今三浦有蔓迤難圖之弊然  
後服其先見之明

補文宗元年李滿住管下金納魯等到江界府稱說  
滿住措辦土物令其子出來下諭于本道都節制使  
朴以寧曰滿住素有嫌隙况無作耗遼東得罪上國  
義無許和慎勿納境自後野人來者相續邊將拒而  
不納

補世祖四年明朝以與建州酋董山交通受職事降



勅切責遣使辨明

詳見朝聘考

○補五年初毛憐衛兀良哈浪卜兒哈世居我國會寧

地面與我國人民世相婚嫁無異編氓其子亦非哥

來住王城娶妻從仕後浪卜兒哈與邊將忿爭與亦

升哥煽誘諸部落父子同叛王罕致按覈俱置之法

建州右衛都指揮佟火備赤等構捏奏聞帝遣禮科

給事中張寧錦衣衛都指揮武忠來問根由遣金淳

奉表辨明

詳見朝聘考

○補睿宗朝徐居正為慶尚忠清道軍巡察使時兵曹

請刊銃筒鑄成放砲令巡察使領給沿海各官隸習



居正曰大藥出於倭地我境與彼密通况三浦之倭  
雜處恐或奸細之民潛通流入彼土非國家深計也  
上然之

補燕山六年遣李站田霖搜括海浪島逃民遼東人  
男婦共六十四本國人男婦共四十八差官奏聞

詳見

朝聘  
考

補中宗五年三浦倭奴版陷薺浦熊川城殺僉使李  
友曾遣防禦使柳聃年黃衡等討破之遂破世居倭  
戶

補十三年會寧城底野人速古乃等潛入甲山府殺



掠人蓄因南道兵使秘啓將遣將掩捕上御宣政殿  
臨遣諸將相環侍副提學趙先祖請對啓曰此事正  
類盜賊徂譎之謀非王者御戎之道且以堂堂大朝  
為一么麼醜虜行盜賊之謀辱國損威臣切恥之上  
既命更議左右爭言兵家有奇正御戎有經權詢謀  
已同不可以一人之言遽改兵曹判書柳聃年曰耕  
當問奴織當問婢臣自少出入北門彼虜之情臣實  
備諳請聽臣言上猶却衆議罷遣

補十八年野人等來居于間延茂昌漸成部落命兩  
界節度使領兵驅逐



補二十三年滿浦僉使沈思遜偶涉虜境為野人所殺

補二十五年遼東人潛住于新島令朴光榮呈文都司乞行搜括卽差湯站指揮王瑀領軍以來與本國義州牧使金瑚龍川郡守許礪等一時進兵獲上國逃民男婦共六十及頭畜財產

補二十六年遼東人民來住耕種於威化等島都司因赴京陪臣吳臣翰呈文令本人等移於他處仍咨本國知會○二十八年遼東人董禮等五百餘名復來威化等島耕種移咨都司禁斷○二十九年遼東



人復來威化等島耕種本國移啓乞禁卽差官到境立禁標石三面○三十年遼東人復來耕種本國移咨乞禁都司三大人魯鐸親來踏勘拆毀其家斫伐其苗盡括還于原籍

○補三十五年遼東人民王中等來義州造山坪耕種都司因本國移咨令湯站挈治其罪○同年遼東人民王賢等又來造山坪居住都司因本國移咨拿治所耕田土盡行攤平

○補明宗二年始定對馬島約條

詳見朝聘考

○補五年不知名漢人等前來設陷坪耕種居住都司



因押解官李應星呈文令江泐臺堡指揮親到設陷坪燒其房屋及治盜耕之罪○設陷坪已種之地田禾向熟都司曰押解官金山海呈文差官挈治其罪令本堡攤平田土仍劄付議政府知會

補八年遼東廣鹿島人金斌等以薪島空閑可耕告準都司前來住種都司亦令江泐臺堡移文義州勿令阻禁本國將先年湯站指揮公同本國人負搜括居民等情備咨于都司都司即挈治金斌等瞞告之罪不許在島

補冬擒獲漂流賊倭獻俘于京師

詳見朝聘考



補九年草串胡人生聚漸多時潛抄遶民令壯道節度使李思曾將兵討之焚其巢穴

補十年義州與上國連界為西門重鎮前此屢經匪人關防解弛兩地奸民交通物貨互相質貸時引漢人乘夜劫掠村落以償其直歲殺人畜遶民甚恐不敢出耕作及柳仲郢為牧使一新紀律嚴街禁以察奸細又沿江設伏上下相望置巡軍往來接應自是境上大安耕畜盈野而卒無犯者

補遼東都司嘗見百戶二人求糧于我國要直抵京師仲郢以無前例嚴辭却之百戶當宴不肯飲



酒仲郢令譯官問曰君輩在何地曰東寧衛曰知東寧衛曾是我國人否曰知之然則故國一盃酒胡不見飲二人相顧笑飲拜謝而去

補十五年譯官洪熙洛往江岔臺堡賣買事發移文義州使之轉聞處校○九連城人民等來設陷坪造家耕種都司因本國咨文治本處官負及盜耕之人回咨本國

補十七年江岔臺堡以都司意移文義州大要許民耕種石場岔但不許設陷坪等處也本國移咨都司請於石場岔下端小河岸立碑使之區別都司卽令



立碑

補宣祖元年西海坪嶺我地而絕遠不能守恐胡人來居滋蔓有時領兵驅逐而土地肥饒宜萊穀故胡人冒死來居驅而復還終不能絕自江界八駟之路甚狹僅容一足上有絕壁下有深川名曰虛空槁乙丑年平安節度使金德龍遣虞候奉昕乘機逐浦敗績於虛空槁至是金秀文為節度使潛師夜襲焚其聚落而實則老弱盡死而壯胡多乘暗遁去秀文愧恨疽發背而卒

補二年古未坪舊寨于虜至是南兵使邊協啓以土



地不可與人遂輸出之盡撤其居

○補六年廣寧總兵李成棟建議於本國方山鎮越邊移設鎮堡本處人民等前來甘倉洞地面樹立碑橧說補移鎮之後俺等隨當住種等情本國移咨都司並呈巡撫總兵衙門就蒙預喻禁耕

○補七年中國設堡于長甸子距義州二十餘里居民將抵鴨綠江大司諫李珥以為華人與我民相雜則必多後患乃啓曰中朝設鎮蔓延開墾則與我國人烟相接鷄犬相聞物貨相通奸細之虞紛爭之弊必惹起事端嫁禍後日之憂庸有紀極請遣使懇奏于



天朝以止之廷議皆以為中朝設鎮非我所能止況  
於我國甚便何可止之議遂寢厥後侵耕漸近遂為  
平安道之憂

⑨十一年遼東人民在新島縣住捕魚往來擾害本  
國移咨遼東轉報布政衙門差送委官括還迺移嚴  
治首惡更不許在彼住擾

⑩十五年遼東軍民前來設陷坪打碎禁耕碑差通  
事曰元凱移咨都司科斡本犯復豎舊碑

⑪十六年遼東民劉尚德復來造山坪耕墾差通事  
吳淳移咨都司申明禁治鑄刻禁革字樣立碑於馬



耳山下第一通溝○十七年遼東民復來造山坪耕種差通事韓潤輔將先前禁革事理移咨都司禁治其人○十八年遼東軍民告狀于都御使移造山坪禁碑於夾江西屹

○補二十年馬耳山軍民等來威化島造舍耕種差通事李汝謹等往遼東爭辦蒙都司轉報巡按衙門出牌禁約駁人口拆毀房屋如有奸徒在彼住種者將為首之人經自解挈云

○補二十一年丙戌年設屯田於慶興鹿屯島丁亥秋時錢藩胡嘯聚賊胡殺害人畜是年春兵使李鎡領



兵五千蕩覆巢穴

①補二十二年金羅道海邊居人沙火同漂到日本誘引島倭歲寇我邊及平秀吉請通信使我國以連年八寇責之秀吉即捕得沙火同及同謀八寇賊倭信三甫羅等仍遣僧玄蘇及對馬島主平義智等押來敵俘御仁政殿陳兵受獻

詳見朝聘考

①補三十四年蘭子替予二島鎮江游府又禁革拋荒以為牧放之地本國移咨布政及鎮江衙門再行踏勘許令照舊耕種○三十五年鎮江游擊祖承勲補萬軍門分付欲於蘭子島上立碑為界以為牧放之



慶本國移咨鎮江仍差通事朴仁祥等齎咨赴遼東  
爭辨○三十六年鎮江將擊以蘭子替子二島原係  
本營牧馬草場不許鮮民越界交通本國通查禁耕  
立碑緣由畫圖貼說差通事朴仁祥前去遼東及鎮  
江請令本國人照舊耕種○三十七年遼東人孫得  
春等又冒耕蘭啓二島遣通事朴仁祥赴巡察衙門  
爭辨本院將孫得春解松國等擬徒五年納贖仍將  
本島議歸朝鮮查照二十七年原立界限撫究大塚  
立碑永守○三十八年遼東布政司將冒耕人孫得  
春解松國等減杖徒二年半贖於蘭啓二島立碑永



導出給斷崖立碑之時只立於替子島不立於蘭子島以一體立碑以杜後弊等情移咨鎮江回咨曰沿江諸島界限處立碑永導

補三十九年上國人投到朔州地方或五十名或三四十名進山窵參槍奪民財移咨遼東等衙門報報撫安申明科禁

補四十年鉄山郡守柳旻彌串僉使康孝業等領兵下海遇賊舡三隻互相搏戰殺傷相當點省載舡物件則有天朝人衣服文書似係上國之人而未及辨別致此相殺備由具本順付賀至使姜繼奏聞于京



師

○補光海元年採蔘華人四十餘名潛入田子洞地方行走權管洪仁成領兵追捕被華人打死移咨鎮江申明江禁

○補二年華人王近泉等三名潛到博川地方搜買人蔘被賊打死中江監稅官稟行義州府跟捕正賊追解

○補三年天朝及本朝無籍之民八處薪島及海浪島結倘出沒劫掠為事移咨撫鎮衙門請刷還撫鎮令鎮江差官眼同本國差官嚴查



補四年義州奸民潛入鎮江堡偷取火藥而被獲本州挈送鎮江取招處絞

補七年倭差舡將探礮竹島不許

詳見輿地考

補十年先是以購捕亡命罪人設窩棚于鴨綠江邊操演軍兵禁其出入之人鎮江游擊毅有非常請築府城以備不虞遼東都司詰問我國使臣命挈究義州府尹李克信咨回各衙門辦理

補十三年中朝軍門標下毛文龍來住鉄山明年稱受帝命開府于椴島號東江鎮遼民來歸者前後數十萬口分置鉄山蛇梁等處

詳見輿地考



補仁祖二年毛文龍設鎮于宣川身殞島獮雲從島  
分處其衆○五年毛兵出陸作亂攻陷鎮堡駭掠于  
女財寶清北生齒死亡畧盡毛鎮標下徐孤臣作土  
窟于昌城屯耕自給未幾為碧潼人所殺○七年毛  
文龍為經畧素崇煨所誅陳繼盛代領其衆

補八年副元師鄭忠信以關西新剏於兵清川以北  
為荒棄之地議欲捐清北為退守計平安監司閔聖  
徽疏陳祖宗疆土不忍割棄請修義州城為西邊臣  
鎮又請流民之八內地者別築白馬劔山慈母山城  
為室屋且田器以給屯集之民



補九年鍾城人羅守男等有越境殺人攘奪之事上  
以此問左右校理趙緯韓進曰彼人方欲敗盟若以  
此執言生釁其禍無窮昔者兩女爭幸尚為吳楚興  
兵之端況此人所犯於法罔赦乎宜正其罪以杜後  
患從之

補十年金人潛師夜入結陣於鈕山城下時監司閔  
聖徽適在城中單騎入見其將曰國有疆域爾何為  
來金將曰欲借船而屠檣島聖徽曰我國於爾國兄  
弟也於天朝父子也其輕重何如金將知不可強退  
去舌人鄭命壽每與金使偕來傳語之際辭有回遁



聖徽叱之曰兩國和好務在誠信而前後難便之事  
由汝而生斬此頭可無患命壽大怒拔劍欲自刎後  
謂我人曰我國剛猛惟此一人

補十九年宣川府使李桂與漢人潞南事發告本國  
陰事于彼人莫追罪以賣國圖生伏誅

補二十四年因清國戶部咨照舊開中江市仍以為  
例

補顯宗六年兵曹叅判柳赫然遙奏西北邊民互  
相推刷遵行已久而茅念壯地寒苦人皆厭居人  
戶漸至空虛自今以後西民之移接咸鏡壯道及



南道三甲等邊堡者姑勿刷還以為北路實邊之地備局啓曰北民之居西者西民之居北者必刷還原籍意非偶然不可撓改而但近來咸鏡北道之六鎮南道之三甲居民鮮少流移甚多不可無變通之道西民之移接六鎮及三甲等邊堡者依啓辭限十年姑勿刷還以為實邊之地何如從之

(補)七年備局啓曰卽見東萊府使安鎮扶啓則所謂阿蘭陀人似指頃年濟州漂到南蠻人而言也此蠻人自訓局曾已下送于金羅兵營及順天等五邑而厥後連以物故報知未知其時存幾許年前查問生



存實數于金羅監司則以十六名成冊上送矣今聞  
八名今年夏秋間乘小船逃日本五島云雖未知某  
接置蠻人之八徃而本道尚未文報殊甚可駭姑先  
查出逃亡與否後處置何如依允又啓曰卽接金羅  
監司洪處厚查報則左水營所授八名中五名出去  
未還順天府所授五名中三名出去未還推問其同  
類及保授主人則皆補以求乞木花向往諸道至今  
不來云常時出入既不拘禁乞得木花自是年年例  
事仍為脫逃雖出於意外諸管之官難免其罪拿問  
定罪鄉所色吏令本道嚴刑定罪從之



補肅宗十二年朝廷以三甲民越境犯禁為患復設行營以盧銓拜南兵使

補備局啓曰收聚烏銃歲置官家事三甲江界形勢比之六鎮亦有不同人民稀少五六十里百里之間或只有數三家而多在深山絕壑樹木蔽塞之中若無烏銃無以防猛獸之害且使邊地之人全昧放銃雖便於犯越亦防於訓技守邊之道已收之六鎮雖不得更給其他沿邊似不必又盡收聚而全無防禁亦不無可慮沿邊邑鎮堡境內有烏銃者皆為置簿於官家彥節每五日點考時使



之持島銃現點則其於禁越之道亦似著實故以此磨鍊事目中矣敢啓荅曰知道

補犯越禁所事目○南兵使解永後八防甲山行營凍冰後出來北青是從前定規而近來遼事解弛久廢此規自今以後依古規八防事分付南兵使以為申飭沿遼嚴明禁斷之地沿遼各邑各鎮堡軍民之有島銃者自官家皆為刻標置簿每五日點考時使之持島銃現點無標者隨其現發究問科罪

補十四年備局啓曰統制使李世選以漂船事狀啓



矣今此舡隻漂流洋中別無近岸留泊之事則只當  
問其為何國人覓見所持公文之後卽令下海任其  
所之而統制使別生意見使之回泊營下以為久留  
守護之計致有此難處之弊此實由於未諳朝家定  
式之致曾前他國商舡之漂到於濟州者舡隻雖破  
傷不至於全然敗失所持公文果為明白則修改其  
什物直為發還一邐馳啓事定式則沿海各邑設有  
此等漂舡亦當一體舉行而舡隻完固漂流於水中  
稍遠之處者不過瞭望察其所向而已如或去岸不  
遠者則視其舡體人物之如何揮斥發送勿令近岸



其來泊岸邊者則問其某國人考見公文即為發送  
後馳啓宜當以此定式知委於兩南監司及統制使  
水使等處何如從之

補十九年因安龍福系辦蔚陵島地界遂定三年一

審法

詳見輿地考

補三十年左議政李畬啓曰此乃咸鏡監司鄭澔所  
達而北路邊將邊倅不勤把守致有犯越者因事發  
覺則無論彼國知與不知并其犯民一體梟示設誠  
捕捉知幾告官者邊倅邊將則不但加資兼以實職  
除授邊民告者則與捕賊同賞加資後又以米布優



數題給事令廟堂稟處矣鄭澔之言以為我國元無  
詞察勘罪之舉故遷民不知其為應死之律云而此  
則似不知朝家已有事目也事目內遷將不能摘發  
者現投於兵使則極遷充軍如有知情之事則犯人  
一體梟示犯越進告人良人陞堂上堂上陞嘉善公  
私賤贖良犯人財物并為許給矣遷將不能嚴禁其  
罪固重而若不問知情與否一切論以一罪未免太  
重告者陞資贖良並給犯人財產則論賞不為不厚  
若無事時以除職給米布有若懸購之為則亦似過  
當事目立法既嚴自本道若以此申明則足以禁奸



今不必更為增律只以前事目申嚴之意分付矣上  
曰鄭澔下去時如是陳達而前事目既已酌定似無  
加於此者以前事目申明之意分付可也

補三十四年左議政李濡奏曰自己丑生變之後勿  
論我境一切嚴禁採蔘其後補以拾橡而許採俾得  
資生本官亦不無收稅之事而朝家知而不知者久  
矣至于上年戶曹始有貿蔘江界之舉便是朝家之  
所以許者而私商之入徃江界者宜加管束以絕其  
潛賣北京之路自今為始私商入去時必令受戶曹  
帖文或自戶曹成送帖文於松都關西等處使之分



給願受者後成冊上送于本曹且令江界考其帖文而許八境內錄其所買而帖付元帖以其都數成冊上送於本曹自本曹以此參酌下送於倭館其餘又為國內需用之資則倭人必喜蓼貨之流八戶曹不患需用之不足而灣上潛商之路亦可自至於斷絕矣上曰大利所在固為難防而今姑試之以觀前頭

補三十八年清國烏喇總管穆克登來白頭山定界

我國差接伴使朴權咸鏡監司李善溥同審兩江源派以定界而克登但與本國譯官金應湜金慶門上山定界而去旋因前次許使洪致中論及滿江定界



事之疏大臣備堂面稟將別遣朝臣而更審備局堂  
上金鎮圭上疏爭之曰水派之審定既與彼差同之  
則今乃於彼差所已定之外欲窮尋其源流此不但  
有違當初共蒞之事體其勢必深踐他地與彼人相  
遇朝家為此之慮欲成給公文資其考驗而今我之  
更審水派非彼所知與所許則雖有公文其不足以  
救其犯越恐無異去年越來清人之標文矣日者許  
事所遣設令被彼詰問猶可諉以邊吏為設標來非  
朝家所送而今朝臣之奉使體貌自別所行又不當  
止於三十里耶



補四十年傳曰以禁銃事曾已下教今覽御史書啓  
一何刻也邊禁之嚴在於人而不在於銃而今則甚  
至於漁網吁嗟六鎮之民陸不能獵歟水不能獵魚  
何以食肉深慮其銃使朔方健兒不能常時習武技  
寧不寒心令備局亦依御史書啓申飭

補景宗元年頒議政金昌集巡啓荒唐船逐歲出來  
而未有如今年放肆者也在前驅逐之時還出外洋  
矣連見黃海道水使狀啓欲為驅逐或拔鋤刺人或  
結幕掛鼎無意退去又聞海西守令之言村人無論  
男女或為出八至有劫掠之舉以故浦邊居民不敢



出頭至廢農業云事甚可慮今宜定送一譯官以不當越界之意善為責諭又以彼中咨文有射砲從事之語勢將依咨文或射或砲之意兼示恐喝之色猶不動念則更將此意移咨禁斷何如上曰依為之

補英宗六年備局堂上宋真明進地圖一幅曰此穆克登來定白頭疆界時潛寫地圖以觀而會寧將校以房守乃得移摹者也六鎮器械精利然無可守之山城故居民常曰吾輩當盡為戒舉懷遷徙之意即今固結人心築城為急而雲頭山城址實為天作宜修築城池移別居僉使居之鍾城等邑軍器使藏于



此則他日可以得力也上可之

補平安監司宋寅明遙啓西路沿邊郡邑與彼界相接無山川之限而凡有犯越者則輒罪其地方官故地方官畏其罪雖有犯越者輒皆掩覆如非生事於彼境者則無以發覺事甚可慮臣意以為犯越人自其邑鎮發告者則不置其地方官而從他路現發者始為從重論罪似宜矣上曰此事已言之矣務欲嚴犯越之律則反有此弊今後地方官若自捕得發告則不必罪之令廟堂商確稟處可也左副承旨張泰紹曰此弊不特西路為然臣父謫鍾城時臣隨往留



三年習知坎道物情六鎮犯越之患尤多奸民之無  
田畝者偷人牛馬曉夜潛越往賣於後春部落而畏雪  
路有跡持畚者隨後滅其路守令邊將雖或知之  
恐其發覺則有罪仍掩置之自今若令兵使評事及  
御使別為廉問隨覘論罪而地方官及邊將自為捕  
納者除其罪數多者依捕賊例論功廢賞則似當有  
效矣上曰守令邊將之自為捕納者將功折罪自他  
路覘露者則依律論罪宜矣而若或知之故為掩置  
而後為人所發告者則加一等用律可也

補二十年右議政趙顥命遙啓所謂皇標卽康熙時



所給邊民使之八禁山採蔘納稅者也今之馬尚皆  
無官標而山東偷採之人也此輩鹽醬糧米必資我  
國奸民兩國交界無人之地彼此奸民往來交通不  
知早晚生出何樣事端豈非可慮之甚者乎丁未辱  
咨中以為此後倘有匪類越境生事而朝鮮不能禁  
戢則當為議處云云今此馬尚之恣行無忌如此彼  
若發覺則必將以丁未咨文中語執為詰噴之端其  
將何辭以對乎臣意則為先嚴飭道臣邊臣依昨年  
例把守四郡境俾無彼此奸民踰越交通之弊一違  
移咨而其措辭則以為丁未咨諭嚴重不敢不用心



防守而此輩稱以我往我境非爾所知肆然沿流往來如市畢竟生事邊門獲戾大邦勢所必至不得不咨報形止乞加禁斷云云辭理明直可無後患矣碩議政金在魯曰馬尚事聖上每以自我先發或致辱國為慮而此是彼國亂民彼之所欲禁者因事現發則辱國尤可慮終莫如先為啓文以報形止矣

⑨二十四年以訓戒越邊造家事移咨禮部即令撤  
駁

⑩二十五年承旨金尚迪遙啓灣府與彼地只隔一衣帶而鴨綠江上下之間有六七島嶼所謂於赤島



蘭子島黔同島等是也其中皆有居民及墾田凡潛越作奸等事未必不由於島民蓋鴨江及中江上下流多淺灘水縮則或有徒涉處而冬後水合則全無限隔奸民輦策居其間易於容匿奸藏者也臣當留灣時與本府尹鄭夏彥同為往審而所謂於赤島則居民不過十餘戶此島之民則一時盡移於是城內外空閑地非難事而黔同等數島則戶幾至於數百若欲一時撤移則恐將騷擾且必使徙者盡忘其徙然後方可謂安集之道臣意府城西有官基空地以此分界其民移處則可免失所而島中田土之開墾



使其本主許令往來耕獲而往來之際自官照管則  
可似稍戢奸弊矣下詢大臣後令備局分付撤移

補三十八年復開固城縣板橋掘浦初李舜臣迫蹙  
平行長于板橋海曲乘勢盡殲平行長窮蹙窘迫夜  
鑿山開洋潛船逃走舜臣以為海防咽喉關係甚緊  
卽以土石填塞不復開洋至近日商賈輩以其船路  
之便捷夤緣統營狀聞復開掘浦吳瑛為統制使以  
為前人復塞實有深意海防重地不可輕開復為狀  
聞更塞所掘浦李殷春為統制使又復狀請開洋至  
今仍之識者憂之



④四十年臺臣以沿江把守之不嚴上疏請點視軍卒分守要路上曰每念戍卒若寒在已前者雖難堪後弊豈忍啓且邊禁之禁不在軍卒之多也

④續大典

沿海民交通唐船者瞞報邊情者并用

軍律○使臣渡江時書狀官地方官本道都事眼同搜檢一行卜物○在我境潛賣禁物者減死論漏洩本國事情者從輕重論他國人處書給路程記者以一律論憑藉彼人居間受賂者減死論○西北沿邊犯越採參佃獵者境上斬地界守令邊將定配○西北邊開市挾持參貨者境上斬馬匹潛商者次律論



○平安道江邊七邑用錢者以一律論咸鏡道富寧  
以北商賈入去者論罪○倭館差貨潛商者商賈漏  
通本國事情者并館前斬倭館闌入者以一律論船  
運米潛賣者倭物浦口潛商者并杖配○兩界邊民  
逃移內地者刑推刷還邊民亡八彼地而匿不以報  
者守令罷黜面里任杖流○海浪島往來者以一律  
論

○續今上八年頒議政鄭存謙所啓我國漂民之出  
來者例自地方官嚴刑究問而近廢此法故濱海  
乘船之民中間遇風不思制船回泊之道任其所



之漂到異域者作常事其中窮濫奸猾之類至有  
利彼資給故為漂八云揆以常情豈有是事莫測  
者人心難保其必無而昨今兩年漂人頗來差倭  
幾乎無月無之非但度支所費之難以支堪其在  
邊情誠極踈虞雖以今番孫古男事言之前後漂  
八已至再次畢竟擬刃彼人攫取錢貨以至於別  
書契之出來古男既用一律同惡助勢之民分輕  
重刑配以為懲一儆百之地而他道沿海之民未  
必盡知有所懲畏又以令申之意分付於三南及  
關東道臣自本營各別嚴關於道內沿邑風起之



日使之初不放船俾絕漂流之患設有不幸而漂  
八彼地者必以古男為戒毋犯一律之意詳細曉  
諭於沿浦愚蠢之民俾知法意截嚴勿致自陷重  
辟之意嚴飭何如上曰依為之



東國文獻備考卷之一百三十六



東國文獻備考卷之一百三十七

校正

兵考

十四

烽燧

高麗毅宗三年西北面兵馬使曹晉若奏定烽燧式  
平時夜火晝烟各一二急二三急三四急四每所防  
丁二百丁二十人各例給平田一結

我國烽燧亦倣此

忠定王三年置松嶽烽燧所

本朝國典烽燧平時則一炬賊現形則二炬近境則  
三炬犯境則四炬接戰則五炬連日接戰則積柴用



狼糞夜則舉火晝則燔柴烟氣京則南所部將告兵  
曹八啓外則烽將告主鎮

○補宣祖三十三年艘察使李恒福啓曰長淵吾又浦  
瓮津所江等處去本島最近宜於此一處設烽相準  
以備非常

○補肅宗三年備局啓曰外安於青兩島在於外洋便  
於瞭望前日忠清監司趙威明啓請設鎮而新設鎮  
堡其勢未易亦有難便事勢本司覆啓不許其後忠  
清水使李必馨啓本中已為募得二十餘戶分八兩  
島私賤則依南方鎮浦士卒例使其上典只取身貢



不得捉去良人之無役者則勿為定役其所耕食之  
田亦勿收稅以為保存之地云其時事勢不得不依  
此施行以各邑有裕之元烽軍抄出推移外安於青  
及鹿島等三島則監牧二人軍人五名元山海望亭  
三處烽軍則軍人減一名皆以三番磨鍊八送瞭望  
之意覆啓蒙允行會連因湖西之人詳問舉行形止  
則烽軍元來不實額數亦無有裕之處元定烽燧猶  
不能如法舉火已無謹烽之意除出烽軍遠赴於絕  
島新設之處輪回立番其難支之弊遍及於列邑烽  
軍逃亡相繼愁怨撤天新設烽臺設或有益於瞭望



殘弊烽軍亦不可勒令赴番使不得保存況此外安  
絕遠之島如有賊舡之猝至者則反有被執鄉導之  
患而少無及時舉烽通報之勢海中烽燧每緣雲暗  
不能相應其為無益而有弊莫甚於此外安於青鹿  
島等三島舉烽瞭望等事卽為革罷元山烽燧依前  
修舉除出他處烽軍立番事一艘革罷自水營料理  
舉行宜當以此監水使處并以分付何如從之

補江華留守許秩逵啓本府烽燧在於邑後而前後  
相礙不得候望而只憑烽軍事極虛踈矣前山一烽  
其勢最高而四面無隔碍之處其上且有井泉後山



烽燧移設於此峰似為便當而事係變通故敢仰稟  
矣從之

④四年禮曹判書睦來善遜啓曰邊備之重莫如烽  
燧而至於鍾城則山頭處處皆設烽燧烽燧軍例為  
世傳其任此蓋重其事而慮或有虛疎之弊也臣得  
聞李旰曾為南兵使時烽燧軍有頃之代當時不為  
嚴飭充定猝值摘奸之時以他人代點云誠極寒心  
當此有邊慮之日不可無各別申飭之舉矣左議政  
權大運曰北路烽燧異於他道皆在於嶺海之間常  
多雲暗之日故實難相準而因此廢閣專不候望其



為虛疎果如睦來善所陳矣刑曹叅判李夏曰臣亦曾見北路初程則烽燧軍晝則長在其家專不候望及至日暮之後始為上山候望此亦不可不各別申飭矣上曰北路烽燧雖曰雲暗不得日日相準至於晝不候望他人代點則事極可駭此後各別申飭監兵使及本官頻頻摘奸若有如前只為夜直晝雍烟臺之弊則各別治罪之意亦為嚴飭可也

○補十一年左議政南九萬遙啓大槩一烽燧必具五番而一番立番者七人若欲具五保則其數甚多而一邑或有烽燧八九處其勢誠難盡充至於邊堡土



卒則殘弊零星尤無充數之理凡此等處令本道各隨其力之所及一番或具二三人一烽或具三四番而其或烽燧數小人民數多之邑則亦令依法充數多小間不至於無人絕烽之弊使之成冊輸送于兵曹以為日後從其成冊摘奸之地至於器械亦有不緊而繁雜者兵曹自可酌定其應備之數分付各烽使之盡為備上後報兵曹以為摘奸時點考之地稍似著實上曰烽燧事極涉虛踈故曾為申飭矣今若因以置之則誠不著實言于兵曹使之依此申明舉行可也



補十二年武臣閔遷逄啓曾在壬辰年臣叔父震益  
為甯川府使時臣亦隨往矣其時郭山凌漢山烟臺  
近處寺刹失火烽卒誤認為報變之火即舉火應之  
其他烽燧次次相應翌日自兵營急送軍牢至永柔  
烟臺挽止之云烽火一舉之後所當即到京城而經  
晝夜之後始到永柔二百里之地者蓋緣烽卒恐被  
誤舉之罪送人探問後始舉之故致此稽緩之弊脫  
有邊報若使如是稽緩則豈不大可慮哉若不稍減  
誤舉之罪則此弊似難變通且誤舉之罪比之於有  
變不舉者固有輕重之別今該曹參酌定法後烽卒



探問後相應一款一切禁斷令該曹稟處兵曹覆啓  
平時不舉火之律則至於杖一百臨亂差誤則軍法  
從事已有定式不可有所低仰一依法例申飭而如  
或誤舉而情有可恕者隨其罪之輕重稟處從之

補十五年叅贊官權瓊遙啓烽燧係是邊工重事近  
來一任拋棄峨嵋山烽燧每以候望不得為啓我國  
北路幅員之廣比三南兩西一倍遼遠故烽燧八來  
之路最遲峨嵋山烽火之舉輒後於毋岳開花穿川  
嶺之峰而木覓烽火先準此三處旣舉之後峨嵋之  
烽雖或八來不敢更舉例以候望不得來報臣曾於



乙卯年間忝叨本兵郎署言於其時判書金錫胄申  
飭八路監兵使別為嚴飭北道則峨嵋山烽燧七日  
之內三日舉火矣卽今臣待罪該房之後另加申飭  
而峨嵋烽燧終不一舉例以俟望不得為言臣心甚  
駭然更加詳問則北道幅員之來迺遠而自設置茂  
山府之後烽燧來路一倍迂曲道里之寫遠如此天  
晴氣朗之日斷無趁卽八來之勢云峨嵋山烽燧時  
刻似當退定矣同知事閔宗道曰權璦之言誠是矣  
頃年宣傳官鄭弘佐元德徽摘奸北烽書啓啓下備  
局趁不回啓之故盡推前後有司堂上更緩烽燧時



刻而下舉旋止事不著實似當別樣申飭矣權璵曰  
臣詳知北路形勢北方恒多雲陰霧翳之氣晴日鮮  
少且烽臺相準之路近不下四五十里遠則或至六  
七十里是故烽燧之相準勢甚不便而既是邊上重  
事則諉之不便而全然拋棄亦甚不當或更遣宣傳  
官別為摘奸或別加嚴飭京畿江春咸鏡監司及南  
北兵使著實修舉毋或踈緩似可矣上曰乙卯甲子  
年間連遣宣傳官摘奸申飭而北烽之不報今如此  
鮮弛甚矣今後北道監兵使及京畿江春監司處各  
別申飭著實舉行事分付可也



①補備局啓曰取考咸鏡江春京畿三道烽燧狀則安  
邊兩晴舉之日淮陽烟臺則每以雲暗不準懸錄大  
抵北烽絕火多在於鉢嶺淮陽之間而茅咸鏡道烽燧  
雲暗不準之日淮陽以南各處烽臺以一炬相準  
懸錄處多至九日該邑所為已極無據且峨嵋山烽  
舉之日則南山烽臺相距不遠峰嶺不碍萬無不得  
候望之理而峨嵋山烽狀間有一炬相準書填之日  
而南山每以候望不得報于兵曹事甚可疑以淮陽之前  
烽不舉而後烽相準觀之則守令之無意申飭烽  
將之不曾上臺初不舉火任意書填於文狀可推



而知而平康缺原永平扼川楊州等邑亦不留意烽燧一事次次謄書惟以文書之準的為務致有如此之弊事之寒心莫此為甚烟臺近遠烽軍多寡前後摘奸非止一再今不必又遣武臣徒貽騷擾之弊富寧之土城峙利城之城門峙令南北兵使從便變通安邊之鐵嶺淮陽之烽道只雙嶺等三處烽臺更令兩道道臣審量形勢俾無碍隔絕火之地而自今以後如有復踵前習者則當該守令及烟臺將烽軍摘發論罪事三道監司處分付從之

○補咸鏡道御使李萬元逡啓臣每以北路烽燧之虛



疎為慮及到三甲及六鎮見烽燧形勢三甲則以魚  
面為火底而自魚面至江邊相去六十餘里之間既  
無候望江邊之事而暮則舉火已極無謂而魚面若  
雲暗而不舉火則江邊列鎮皆廢而不舉三甲沿江  
列鎮僅莫非邊地豈待江邊絕遠不得候望彼邊之  
魚面而後始為舉火乎至於六鎮亦然西水羅為烽  
底而僻在海隅去彼境頗左曾前以西水羅為火底  
者慶興越邊蕃胡多有由海路而犯境者故以西水  
羅為水底而今則不然慶興越邊蕃胡盡為撤移於  
白頭山下實無由海路犯境之慮而火底猶存西水



羅若雲暗不舉火則江邊列鎮皆不舉火臣意敵騎犯境不必在於火底江邊列鎮無非待變之地則豈可定其火底之彼此而舉火哉伏聞北兵使留防行營之時則六鎮烽燧皆抵行營轉達京師云自今勿論北兵使留防與否江邊烽燧之太近者稍減其數不待火底一時舉火則報變之道似當著實矣從之

○補備局啓曰北道御使李萬元所達弊癘北道烽燧之弊邊塞報警只係烽燧而北來之火輒謾以雲暗不舉此無非烽軍之不勤候望循例瞞報而亦不能無慮於烟臺設置或有所共宜今觀補衣所達則魚



面之為火底於三甲者已極倒置西水羅之為火底於六鎮其勢且左而列堡舉火只從其火底則殊有乖於邊工報變之道不可不一加釐正勿論北兵使留防與否江邊烽火一時舉火達于行營三甲烽燧亦令不待火底各自舉火云者不無意見先令道臣與南北兵使親審烟臺詳究制置具由啓聞以為稟處之地

補十六年御營大將李義徵遙啓烽燧一款未免踈漏陽城槐台之烽相應於水原天柱之烽天柱之烽相應於南陽念佛之烽而天柱之距水原幾至五十



里其間有重峰疊嶂障礙望眼設有舉烽報警之事  
無路卽知必待烽軍來告然後始知其有惡本府防  
禦使旣領重兵居在京城咫尺而邇報警惡不能仰  
知本府南距五里之內有禿城山城而其峰最高若  
置烟臺於此則南應塊台西照天柱三南報警之事  
一刻便達與其坐待天柱烽軍之五十里來告然後  
始知者其緩急不啻相懸矣上曰水原乃圻輔重地  
而烽燧報警之事若是疎漏禿城烟臺加設可也

補十九年閔黯

時議政

逡啓曰北路山勢高峻重岡疊

密四無人家烽臺多在其上烽軍元額旣小又多闕



額使之長立其勢未由曾前發遣備卽摘奸少似有  
效後復如此終無實效職由於此矣兵判睦昌明曰  
聞曾經北路守令之言則魚面烽燧及西水羅烽燧  
會於北青故咸鏡監司則烽火未嘗斷絕而北青以  
北西水羅烽火每每不準且安邊淮陽之間烽堊沿  
海設置故雲暗不準若自南山驛直達於鐵原則可  
無斷絕之患云矣上曰甲寅以後連送卽官摘奸而  
每不能探其形勢而來武臣中擇以慣知北路物情  
者送之烽軍關額之多小及烽燧移置便否詳探以  
來



補北路烽燧摘奸事目

烽燧器械報警三穴銃

弓箭麻骨炬糟糠馬糞狼糞三棱杖之屬并為照數點考而狼糞段本來難得有難處處責備每烽伍長二人領率烽軍伍名立番

補二十五年兵曹判書李濡啓曰烽燧乃報警重事而我國烽火名存實無頃日木覓山烽火人定時始舉故旣已查啓科罪矣問其曲折則燧將以有廳軍二名定送烽軍則以五名定送每三日輪回而無恒留之事不過臨夕上山舉火而各散邊警旣無定時則只為臨夕上山豈非虛疎之甚者乎京山如此外



方可知今雖申飭恐無所益臣意勿論良賤募得著  
實人五名使之上山居生烽火戶保一百名所納布各  
二疋自兵曹收捧逐朔上下且堂直一戶既有居在  
山上者專以閭家神事有所資賴保生云此亦同八  
於五名之中一艘無行以為恒留候望之地則其謹  
烽火之道似為著實矣從之

補二十七年鄉軍徐日立崔余尚等稱以抱冤偽舉  
烽火初命梟示旋又下教曰蠢茲鄉兵不知當死有  
此妄作而遽依軍律有乖於三令五申之道特命減  
死島配從今定制勿論烟臺與他處一并梟示以嚴



# 軍律

補教曰烽軍乃所以報警而北路絕烽已至十數年此可憂也右議政申琬曰北路烽臺多在海上重峰疊嶂雲霧蔽塞烽火之不得相準勢固然耳吏曹叅判李寅燁曰今北虞侯金百祿北人也必慣知地形宜命商量便否上聞俾有以改其制從之

補二十八年特進官俞得一遙啓北關之烽雖自火底清明例舉而淮陽則不顧後烽之舉不舉與道內金城等數邑報以雲暗諉之於致人傳准此外西南諸路之傳烽於他道者大抵一套同日相望之烽後



書例舉前錄雲暗此固由於國綱解弛命令不行之  
致脫有緩惡將何以報讐也且以北路事言之重溟  
複嶺常多雲霧蔽遮之日而臣於出巡南北關時見  
之烽臺之報暗者亦多而戕嶮山烽火則每云候望  
不得三南沿海兩西之烽潦雨雲暗之時亦無以看  
望之地其為不實如此則外方可知矣臣受任本曹  
後取考諸道烽燧狀則靡不同然故臣與判書臣李  
濡相議欲為論責諸道且嚴飭本覓戕嶮等烽將而  
受教中烽燧摘奸時不舉者軍人杖一百守令杖八  
十若無別樣變通之舉則烽火之不謹猶夫前日矣



補北兵使李弘述遙啓北路烽火之達于京城者一  
朔之內不過七八旬蓋自六鎮至京道里脩遠初境  
烽火午後始舉日暮始達于峨嵯山而以其沿海之  
故雲霧晝昏開霽之時常少火光不能達照或以炊  
烟相通而雲暗則亦無以候望烽火之不能逐日得  
達勢所然也吉州以北乃臣所管自本營當為申飭  
而端川以南屬于南道自朝家分付于本道監司及  
南兵使俾無如前踈虞之患宜矣上曰近來北路烽  
火多不相通各別申飭可也

補三十七年閔鎮厚遙啓聞李宇恒言則烽臺例設



牆壁若城堞藏置若干軍器等物而畿甸則烽軍元  
無疵身之所云分付各其邑使之從速設築而邑力  
不逮則自朝家別為顧助似宜且令廟堂稟處何如  
上曰速令廟堂稟處

補備局啓曰烟臺烽軍專不守直臨時舉火萬一  
有警何能及時報警宜嚴飭各道烟臺監官擇勤  
幹人率烽軍晝夜守直諸道報烽火等事晝日全  
無守直外警之來何必在於昏夕而當晝舉烽之  
具尤多不備事極寒心中飭諸道擇定監官支給  
朔料烽軍等依定式著實給保常、摘奸闕直者



各別糾治之意分付宜當

補英宗三年侍講官吳命新遷啓謹烽火遠斥候兵家所重若或差失於此則雖有百萬軍兵百萬糧餉未及措手皆為藉寇之資壬辰丙子之敵迫門庭猝惡無策使億萬生靈死於鋒鏑之下者實由於烽火燧之阻絕追思至今不覺於悵臣於北道覆審時歷路烟臺躬登摘奸則立番烽軍全昧放射講問汁物用處則率多不通馬糞粃糠之用於某處麻炬生松之用於何時全然不知歸問各邑各鎮則亦謝不知甚至不識講問之如何沿邊烽火燧如是虛疎事之寒心



莫此為甚伊時臣發關各邑各鎮烟臺所置四十三物件使之一一懸註成冊報來則懸註各異邑也不同皆非古法揔是臨對考諸兵營亦無可徵文書北路如此他道可知宜令本兵作為節目列錄烟臺汁物逐條懸註明是用處頒布八路又以諺文解之付諸各邑及各鎮烟臺壁上以為講問烽軍之地邊方地盡處與異國接界之烽謂之火底烽臣見北道烽尤為虛踈非但北道臣嘗奉命義州東萊兩地歷見烽燧則又皆虛踈鐵騎五六猝然來到則拱手受縛必至之勢此壬丙已敗之驗也臣意西南北三邊火



底烽燧則加設烽軍別加軍器各別申飭似好臣見  
諸處烟竈元無覆蓋常蘖一竈之外其餘四竈冬則  
水雪充積夏則潦水貯濕臨急倉卒何以舉烟舉火  
亦令諸道覆以陶器何如上曰所達誠是帥臣處各  
別申飭可也命新曰兵營亦不知其法令兵曹更作  
節目頒布八路何如上曰分付該曹可也

(補)叅贊官李濟遙啓甲山在北路最窮僻處與彼地  
接界各鎮烽燧前後相望自三水至甲山利城北青  
次次舉火以達于京城而近年以來烽燧之政極為  
虛疎所謂烽軍率皆疲殘不能著實立番每朔文狀



陰晴相左自兵營報頃推論則監官固免其罪一從  
火底文狀而每以雲暗頃報朝家之設烽燧蓋為報  
邊警也而虛踈如此豈不寒心哉今本道兵使各別  
申飭予守令邊將俾無如前之弊恐合事宜矣上曰  
北道皆然自先朝嘗加申飭頃者亦有遣宣傳摘奸  
之事承傳所達誠然各別申飭可也

補四年摠戎使張鵬翼遙啓水原府使以獨鎮防禦  
使雖有六千兵馬境內既無烽燧設置處邊警無以  
得知此甚踈濶本府南距十里許有禿山山城若於  
此設置其間峰與竹山佐贊烽燧相應苟有邊報水



原亦可即知矣向臣留鎮時以議于府使臣宋真明則真明亦以為可仍勸臣還京後陳稟劄設為宜云故如是仰達矣上曰所達誠有意見令廟堂稟處

補五年武臣李行儉所啓八道烽燧設置乃是臨亂報警之意而上年三月變亂時凶賊處處蜂起已至恣行而無一烽燧報警之舉且臣當其變亂待罪呂州以權差竹山營將之任頗舉呂利陽竹四邑軍兵竹山境佐贊峴結陣之時賊徒彌滿竹山府而本府烽臺在於結陣不遠之地而如常舉火元無報警故極其恠訝招致烽軍詰問其由則全然不知果未報



警云故教以講文內賊現形則二炬犯境則三炬近境則四炬接戰則五炬雲暗則專人報警晝則烟氣等事傳通於前路矣他烽臺終不嚮應此不過年久昇平故有烽燧邑守令只充烽軍而已不教講文之致非但寒心實無設置之本意自今以後使其邑守令教習講文之意八道監兵使處各別申飭未知何如上曰兵曹有烽臺法曾以此申飭而所達是矣更加申飭此後烽燧軍如有不勤之弊則各別論罪當該守令亦一體科罪之意分付可也

○補兵曹啓曰昨夕本覓烽燧不舉曲折詳覈問啓之



意已為先啓矣。招問烽將及牌頭則以為昨夕黃昏  
後猝然雲暗對烽各處不能通望著目等待自爾過  
時在前則如此之時本烽亦不得舉火昨日之不舉蓋  
遵常規云對烽以雲暗既不望見則本烽之不得舉  
火乃是常事故從前雲暗之時例以候望不得入啓  
而至於昨夕本烽雲霧不至蔽塞則本烽之於對烽  
雲暗之何如雖未可知渠等既曰對烽之雲暗不得  
舉火則所當登時告知本曹而諉以前規不為通報  
事極痛駭不可諉以迷劣而置之自本曹從重決罪  
今後則這這報知本曹事申飭分付烽燧軍子則不



得循例書八之意敢啓傳曰烽燧何等重大而若是疎忽乎况此乃人定前事非人定後事至人定鍾而未舉則事當卽報兵曹且昨夕雲暗其不甚焉則烽將所對似乎彌縫該所部將當該烽將并從重決棍牌頭及書負亦令攸司從重科罪

補十七年刑判朴文秀遙啓曰北道當初人民絕少烽軍難得故各處定配之人以充烽軍是以民之視烽軍若狗彘不齒人類不通婚嫁故為烽軍者如八死地若不逃避則必以賂免因此而各邑無路填充烽臺之疎虞蓋由於此矣臣竊以烽武士變通以閑



散中最實者盡充今則雖可謂著實聞烽武士輩或慮更降烽軍不無補完之端云分付道臣各別嚴飭各邑把總哨官親騎衛之屬有關則多擇烽武士中壯健者差出以開樂赴之路好矣上曰所達是矣烽武士多補完云嚴飭南北兵使使之有效可也

補二十五年金尚曾

時兵曹判書

遼啓曰長白山之北即

天坪也此山一帶最為可慮而臣聞自竟足堡從長谷以行則直抵于端川府矣論其形便不可以藩胡之不在天坪撤其間烽而自有竟足以下間烽撤罷之朝令端民大生恐劫莫不驚擾大抵天坪之無藩



胡今至幾許年而尚置間烽未嘗議罷者古人深遠之慮亦可見矣臣與南兵使沈璿議及此事則璿之見正如臣見已以間烽還設之意論理狀聞云臣意則令備局依狀請施行似宜矣上曰重臣省審意有在焉民願又若此何咎銷刻令廟堂一例卽為稟處

補三十三年因黃海兵使崔鎮海狀啓甕津德月山新設烽燧一處

補三十九年掌令韓必壽所懷北路烽燧多有高山峻嶺雲霧障蔽八達京城之時甚鮮此實事勢之固然而亦有措置未盡善之弊磨天以北則臣未詳知



蓋聞六鎮諸邑則巳午時舉燧烟相應能達於端川而磨雲以南則始烽火相照蓋烽臺之相距甚遠尤難相接自利城北曲口烽臺至本縣南浦頂烽臺為七十餘里若非至清之日則每有候望不得之弊臣聞利城邑後山有烽臺可立處足以相接南北故前後兵使累遣軍官看驗而以有弊於本邑故尚未設置云若使南兵使更為看審以為設置則似好矣更曹叅判徐命臣曰北路烽燧非但不達於京城臣待罪藩任時見之一月之內不達於咸興之日亦多故使解事福裨看審則兩烽燧相距絕遠山嵐海霧又



從而遮蔽之其所絕火非至三四而已臣詳論形便  
欲為狀聞而以徑逋未果矣護軍李彥章曰北路烽  
燧誠極疎虞臺臣之請是矣重臣所達絕烽果三處  
此則設或增置可以相接而大抵閔北烽路皆是海  
邊絕頂故山嵐海瘴無時開霽晝之烟烽輒混於瘴  
嵐終不如火照雖相距不遠處難保其必傳此前後  
道帥臣所以憂慮而終沒好策此甚可悶矣領議政  
洪鳳漢曰烽燧所關甚重雖在昇平之時不可少忽  
臺臣及諸宰臣既已歷陳令道帥臣相確狀聞後稟  
處何如從之



補續大典 烽燧臺所在烽軍等毋定他役專為  
候望勤幹品官四人別定監考分二番相遞晝夜檢  
舉○絕火處烽卒極邊充軍賊到不報火者處斬○  
偽舉烽火者用一律

木覓山烽燧自東至西五炬茅一準咸鏡江原京畿  
來楊州畿嶧山烽茅二準慶尚忠清京畿來廣州天  
臨山烽茅三準平安黃海京畿陸路來母嶽東峰茅  
四準平安黃海京畿水路來母嶽西峰茅五準全羅  
忠清京畿來陽川開花山烽

茅一炬準畿嶧山

楊州下同○以下  
京畿監司所管

汗伊山

輿覽作  
大伊山



苧邑峴

○興覽作仍邑山

秃峴

彌老谷

興覽作永

平下

適骨山

興覽係

劉眉峴

備局勝錄作

○姑毋峴○

監司所伊山

土水

○興覽作土水

松古介

箭川

同下雙嶺

屏風山

城北

興覽作嵐

所山

峰道只

鐵嶺

咸鏡南兵使所管

○以下沙古介

山城

興覽作蛇

洞

備局勝錄作已洞

長德山

德原所達山

天達山

邑誌作

川文

熊望山

高城隍峙

○邑誌作聖歷山

德峙

王金

洞

定平鼻白山

城串

○備局勝錄作聲

草古堦

倉

嶺

藁三仇味

邑誌作

南山

洪六島

興覽作陸島佛

堂

山城

石茸

真島峰

備局勝錄作

真鴈

邑主



峰邑誌真島峰下有邑城門備局膳錄甌山下同川

訖乃興覽作吾羅退胡打里岐里洞城津鎮○

○以下咸鏡雙浦嶺城津鎮場古介興覽作山城鄉

校峴碌磻古站峴明川項浦洞北峰壽萬

德鏡城中德朱村永康長坪羅赤洞姜

德松谷峴漆田山畱寧仇正板南峰黑毛

老齊茂古峴齊茂梨峴古豐山鎮○奉德邑誌作奉

下中峰甫乙松峰甫乙南峰雲頭峰備局膳錄係

古烟臺邑誌作鰲山吾弄草竹堡邑誌作竹苞

北峰高嶺下乙浦備局膳錄作浦項防垣鎮○新



岐里防垣鎮 奎田還備局 騰錄作奎 烏碣巖興覽作三

峰興覽作三 南峰 北峰 長城門潼關鎮 北峰潼關鎮 甫

清浦興覽作甫 青浦備局 騰小童建 邑誌作小童 甫

城下 松峰永達鎮 中峰永達鎮 大灘興覽及備局 騰錄并

以犬灘時建兩時建 古城柔遠鎮 壓江柔遠鎮 坪烟臺

興覽作柔遠鎮 射場 坪烟臺興覽作 浦項義錢

鎮 松峰義錢鎮 錢江義錢鎮 長城峴黃松坡堡 中

峰慶源下同 馬乳備局 騰錄獐項 訓戎 城上訓戎 厚訓

南山 東臨林備局 騰錄作東 水汀興覽作水貞 件加

退阿山鎮 白顏備局 騰錄作白 東峰阿吾地鎮 西峰



興覽作北峰  
浦頂峴 望德 仇信浦 興覽作仇申  
○撫夷鎮

浦豆里山 係備局騰錄南山鎮造山牛巖十五里羅堡初起

間烽 行以下三烽報 阿吾地堡東峰上見金石山 邑誌作金

迪谷西應皮德 皮德 邑誌皮德 乾元堡水汀

見進堡 報行 會寧古烟臺 池德 邑誌作地德

北應南孝郎 以邑誌 南孝郎 邑誌南孝郎

觀之古烟臺 恐是鰲山 會寧雲頭峰 上見琥珀德 豐山大巖

豐山 西峴 梁永堡 備局 錦峴 係備局騰錄 作爭峴

同南嶺初起

間烽 以下諸峰 鏡城姜德 見遮山 邑誌作鷹峰 初



起○鏡城羅赤洞見上下烽吾村初起○鏡城長坪

見上古峰邑誌作朱溫上佛巖邑誌作朱溫下初起

○鏡城長坪見上清德備局膳錄作青德○甫下田

坡南老知堡○不載邑誌初起○鏡城永康見上松峰

邑誌作寶化下初起○鏡城朱村見上牟德森森東

峰邑誌作森森坡上初起○吉州鄉校峴見上崔世

洞西邑誌作西山高峰西邑西山邑誌作將軍坡

○西鎮初起

間烽以下諸烽吾北青石茸見上者羅耳沙乙耳

新設烽邑誌沙乙耳下厚峙虛火馬底



梨洞 杉峰 端川下同 補臣謹按杉峰瑟古介西

瑟古介 備局膳錄作麓 麓嶺家舍 以下五峰英古

所里 獐頂 沙器 日彥 口字 雙青 檢義德

吾乙馬騰嶺 吾乙隱龍德 吾乙初起

間峰 以下諸峰 端川瑟古介 見天秀嶺 石茸 局備

膳錄作應德邑誌鷹德龍因 牛頭嶺 一作南峰

伊叱間 阿叱間 同仁堡 備局膳錄 所里德 龍雲

鎮何方金德 惠山 水永洞 三水 西峰 外鎮 家南 羅暖

鎮西峰 羅暖 甕洞 知鎮乙坡 龍起峰 備局膳錄係茄

知鎮○邑誌 松峰 備局膳錄作免知峰 乙山德 局備

作龍起峰



騰錄作起林峰○自作仇非堡龍峰備局騰錄作十初起魚面龍

為火底相似若無義而龍峰如西路火底江界餘尤

臺地形相等若將通烽如統軍亭古靜州之例而

特以山勢重疊不果通歟茅二炬準天臨山興覽作穿川峴備局騰錄作穿山

石城山興覽作寶蓋巾之山竹望夷城邑誌作望耳

以下忠清兵使所管加葉山當作迎葉馬山忠州同心項備局騰

大吾峴備局騰錄作所伊山備局騰錄作金竹嶺山

順興○以下慶望前山豐城內山榮沙郎堂順堂北

尚左兵使所管山東龍岾山奉莒八來山備局騰錄作昌祿轉山禮

開目山安東峰枝山興覽作甘谷山馬山義城下雞



邠峴 城山 大也谷 蠅院 繩木山 義興甫只

峴 吐乙山 興覽作 餘音洞 興覽作餘叱洞山備局

仇吐峴 永同川 城山 城隍堂 永溪 方山 硃砂

峰 慶州 蝶布峴 興覽作乃布站備 高位山 蘓山 興覽

作所 夫老山 陽渭川 興覽作圓寂 鷄鳴山 東萊荒嶺

山 興覽作黃嶺山 釜山鎮 龜峰 備局 鴈

峰 多 初起

間峰 東萊干 安東峰枝山 見 新石山 興覽及備局

石藥山 神法山 興覽作南角山 備局 廣山 寧海

大所山 別畔山 備局 ○盈德 槐李山 清島峰



備局騰錄作鳥知乙峰大冬背興覽作冬乙鉢

山○興海下同長馨磊城福吉興覽作吉禿山備局騰錄作禿

下西知南木邑誌作南玉川內加里下山備局

騰錄作加羅山邑誌作加爾吉興覽作示吉備

里下山二峰○西生浦鎮爾吉局騰錄作爾吉

阿爾興覽作阿示浦係蔚山備局南山千飛鳥

東萊○西合於初起荒巖山見上忠州馬山見上大林城興覽作周井山

問烽巨濟加炭頂聞慶○以下慶禪巖南山

下同麻骨峙興覽作城所山尚州西山回龍山備局騰錄作龍門山所

山○咸昌山城惶山興覽作甘文籃山善山石古介件



臺山

備局騰錄作件代

朴執山

角山

星州同星山

伊夫老山

望山

備局騰錄作望

彌崇山

邑誌作羨

崇山

○彌陀山

草溪可幕山

寧巴山

邑誌作指高

加

乙浦

備局騰錄作加

羅浦

曲山

固城下同

天峙

與

及備局騰錄

牛山

彌勒山

加羅山

巨濟初起

間烽

以下諸烽只準本鎮

唐浦鎮開背串

巨濟下同

○助羅浦鎮

柯乙串

知世浦鎮訥逸串

○玉浦鎮

玉山

○栗浦

堡別望

備局騰錄作南望山

間烽

蛇梁晉州角山

見下錦山路

佐耳山

固城下同蛇

梁鎮主烽

牛山

見上



間烽以下二峰以外洋加背梁鎮別望城固所非浦

堡別望城固

間烽一城堡星州見上角山羅山路馬川山○大丘下同

尚右兵城山末乙應德州所伊山興覽作所太

白山興覽作合餘通靈山所山備局安谷山

邑誌作安國城隍堂昌高山熊川沙火郎天城

堡初起

間烽沙火鎮海加乙浦見上昌原餘浦興覽作

沙火郎見上

間烽一城堡永川城隍堂見上鷹匙山河城山慶



法伊山

耳備局

○騰錄作

法

北山

興覽作八助現

○南山

盆頂

密陽下同

城隍

興覽作推火山

南山

栢山

子菴覽興

金子巖山

○山城

興覽作

省火也

興覽作

省天城

堡初起

間烽

南海錦

忠州望夷城

見上

所屹山

興覽作

備局

○騰錄作

巨叱大山

清州

所伊山

義文

環山

沃川

月伊山

朴達羅山

永同

所伊山下黃澗訥

伊頂

高城山

金山

○以下慶

龜山

邑誌作龜城

渠末屹山

興覽作渠末

屹山

備局

金貴山

所峴山

備局

○騰錄作

金城山

嘉

笠巖山

丹城廣濟



山下同望晉山鞍峴山與覽作鞍角山晉州下

固城佐耳臺防山與覽作錦山海南初起山北為臺防

本縣所乙山峰合於順天突山島峰見茅五峴

間烽準以下諸峰只南海猿山錦山見○彌助頂

鎮別烽臺錦山見○泗川三千堡別望在巨濟

鎮輪守別望準本鎮而止

茅三炬準母嶽東烽鹽浦古名峰峴高陽下同

禿山古名所大山備局騰錄作大道羅山與覽及備

○作都羅山松嶽國師堂開城古城山金川○以下黃

南山平山奉子山禿鉢山回山瑞興所卞山覽



作所乙廢山備局巾之山興覽作乾之古每峙邑誌

騰錄作所梅峙○黃州下同天柱山雲峰山中和府補以下

備局騰錄係中和管畫思山備局騰錄作畫雜藥山興覽作斧山獨

子山順安米豆山永柔都迤山興覽作都迎所里山邑誌

尼山○安吾道山興覽及備局騰舊青山新青山報

州下同○安竝溫山博冬乙郎山嘉七嶽山興覽作松足山

馬山仇寧山所串興覽及備局騰錄并松足山

邑誌作西望日峰宣川圓山一名斗鶴峴熊骨山

通京山○鐵山下同甌峰一名長化山○備龍骨山一名

龍川○葛山義州下同白馬山統軍亭合於本府古



見茅石階乾川金洞興覽作水口浮箇興覽及備局

江鎮玉金洞興覽作金固田亭子山清城老土灘青

鎮田往仇仇寧鎮權狄巖仇寧二峰山興覽作

誌作一峰山○甲雲頭里山雲頭船豆洞興覽作廟

堡於汀灘於汀徐加洞興覽作徐介洞邑誌古林城

大吉小斤古介小吉碧漢下胡照里碧團秋羅仇

非興覽作秋仇非堡金昌山豆音尺大坡松林兒堡

東烟臺興覽及備局騰錄并作廣坪○廣坪東烟臺

耳鎮阿耳○阿古烟臺山羊北山蛤池山銅

遷山加渭原下同新烟臺南坡興覽作南坡山○



并係直舍長仇非吾老林里吾老梁鎮○備奉天臺

高山里鎮○馬時里邑誌作許隣浦許隣浦分土右

江界下同○馬時里馬寶里許隣浦許隣浦分土右

係高局里鎮○朱土伐登宰臣洞滿浦車加大作邑誌

騰錄係滿浦鎮○餘屯臺滿浦初起

間烽只下江界許寶里備局騰錄金介訖覽

作金安興道樵坡安明守家社從浦鎮○備局梨

峴鎮上土松峰係備局騰錄金成民家北騰錄并作金

戒敏○外吾里坡邑誌作餘屯臺見

間烽以下二峰山安州青山城隍堂深原山

博德山寧邊栗古介籠吾里泰姑城城隍堂與覽作古

川下同



同下  
所串  
古城頭山  
下州同  
吾里洞  
與龍作  
什田洞

迤坪山  
二峰山  
上見

茅四炬準母嶽西峰  
高峰  
高陽○以下京畿監司所管  
兄弟峰

交德積山  
與覽及備局騰  
松嶽城隍山  
開城府  
彌羅山

白川下同○以下  
鳳在山  
角山  
下安同  
白石山  
省

月山  
定山  
注之串  
與覽作走之串  
聲串  
平皮串  
海州同  
龍

媒  
迤坪島  
睡鴨島  
南山  
花山  
沙串  
與覽作沙

浦  
食大山  
下康翎同  
堅羅山  
九月山  
推峙  
炭項  
瓏津

同  
檢勿餘  
與覽作今勿餘  
大岵  
邑誌作  
開龍山  
大

串  
與覽作大梁串  
清石  
與覽作青石山  
彌羅山  
松蘿  
兀



串 古里串 下豐川同 所山 巾之山 山興覽作乾只 甘積

山 安岳 今卜只 并興覽及備局 膳錄邑 誌連 牛山 下三和○以

禦使 所山 龍岡 漕士池 曹興覽及備局 膳錄并 作 吾串

兔山 龍 鉄和 下平壤同 馬項 佛谷 石邑誌作 大船串 安順 所

山 邑誌作卧 龍 餘乙外 浦備局膳錄作餘外 息浦 冬

乙郎山 邑誌作老江 虎穴 沙邑冬音 定州下同○

禦使 舍音山 慈聖山 鎮海串 作備局膳錄 都致串

防築浦 下郭山同 青奄山 作備局膳錄 海岸 下宣川同 東所串

山 白梁山 邑誌作栢 梁山 驚家山 所串山 石

乙串 下龍川同 少為浦 沙興覽作 辰串 鎮補串 龍眼山 丐里



巖

○備局騰錄作牙音山巖岐伊城里山○備局騰錄作岐古

靜州

陸合于本府統軍亭初起

間烽

只以下四烽龍川龍帟峰龍眼山見○宣川

大陸山

東所串山

見○郭山金老串

防築浦

見○定州古堂山

都致串見○嘉山古堂峴

沙邑冬音

見○安州新青山舊青山報陸路帟穴

見○肅川麻甲山

邑誌作牙山邑誌作餘乙外見

○永柔米豆山新烽

所山見○順安金剛山

大船串

見○平壤承令山秀華山佛谷見○

甌山西山兔山

見○西江正林山咸從窟嶺山



漕士池

見上

龍岡大德山

所山

見上

間峰

以下四峰只準兵營

黃州琵琶串

月呼山

興覽作月手山○安

岳下同所山

梨峴

甘積山

見上

間峰

修井峰準高相

迤安角山

見上

喬相修井山

迤安省

月上見

茅五炬準開花山

陽川○水使所管

冷井山

金浦南山興覽

作松岳山○通津

江華南山

以下江華留守所管

河陰山

喬桐圭山

興覽作華蓋山綱山

興覽作綱山○江華下同

鎮江山

大母城山

守

安山

通津○畿水使所管

白石山

金浦

紐串

富城山

一名支鶴山興

地考及邑誌并作

正往山

古名吾叱耳○安山○邑誌云自吾叱耳島移正往



山海雲山

南陽下同

念佛山

與天山

水原

槐台串

與覽及備局膳

錄并作槐台

望海山

稷山清兵使所管

以下忠

燕巖山

牙大鶴

吉串○陽城

作大

雙嶺山

公州下同

高登山

與覽作

山魯城山

尼城

皇華臺

恩津下同

江景臺

廣頭院

龍安以

下全羅右

所防山

與覽及備局膳錄并

佛智山

臨陂下同

五聖山

花山

邑誌

又合於舒川雲銀山沃溝

界火里

邑誌

火島扶

補占方山

月古里

所應浦

茂長

古里

浦弘農山

靈光下同

古島道

興覽作

次音山

海際咸平

下同

高林山

多慶浦鎮

○務安下同

備局膳

光輸達山

木浦鎮

羣山

羅州

黃原城

海

僉察山

與覽作占



島下 女貴山 館頭山 南海達摩山一名葛頭山 作一達摩山 備局膳

錄作達牙山又有靈巖 莞島 下康津同佐谷山 垣浦 興覽作

天冠山 長興下同 全日山 帳機山 興陽下

下三峰備局膳 天登山 興覽作 馬北山 八田山 興覽

及邑誌并 白也串 順天 突山島 防蹠鎮○合山峰見

初起

間峰 以下九峰 順天城隍堂 光陽件對山 興覽

臺順天進禮山 突山島 見 ○興陽藪德山 邑誌

德 帳機山 見 ○康津修仁山 長興億佛山 全

日山 見 ○寶城真興山 邑誌作 全日山 見 ○珍島



屈羅浦

女貴山

上見

○

珍島上堂串

女貴山

上見

間烽

沃溝花山路來

陽城塊荅串

上見

倉宅串

下沔川○以

使所高山

唐津安國山

海義

泰安主山

瑞備局騰錄作

白

華山

島飛山

興覽作都飛

高丘

洪州高山

結興陽

山洪州助侵山

保寧

玉眉峰

藍浦

漆枝山

庇在

雲銀山

舒沃

溝花山

見

間烽

以下諸別設

江華鎮江山

上見

末叱島

甫音島

長峰島

水營南

初起

梁誠之曰江界介在山外若大敵突八則圍城

援絕甚可慮也府南狄踰嶺竇南指捷徑而不



置烽火但自江邊至于義州恐未周悉當增置  
烟臺由狄踰嶺經熙川與寧邊烽火相準

柳成龍曰中原地方自遼東迤西高築烟臺深  
鑿壕塹或五里十里相望不絕故虜騎近京無  
不先知得以把截邀擊我國則烟臺墩堡邊上  
城池之制皆未成形往時高山里僉使金應瑞  
燒輓高設烟臺二處至今堅固江邊之人恃以  
為固今當視形勢緩急之處或改築或新設使  
形勢連絡達於義州則邊塞之形自固矣

李睟光曰周時舉偏烽漢時烽火通於甘泉宮蓋



漢以上則寇至乃舉烽矣唐書以為鎮戍烽候  
舉相去三十里有一炬二炬三炬四炬者每夜  
舉一炬謂之平安餘則隨寇多少為差云我國  
烽燧之法盖用唐制耳

李玄錫曰京都五烽茅一路則每不至固可寒  
心而至如各邑烽燧之報元不致察每朔末則  
文狀中不過列書日子而已某路之烽絕於某  
處漫無可考烽軍不能聊生逃躲相繼愚意世  
之善居山者莫如僧而寺刹遍一國百姓逃賦  
毫無所裨於國若於各邑烽山許建一小寺除



其寺役專管烽燧役僧將一人給斗料使之不  
得出外雲遊而又以本官鄉所或軍官為別將  
以勾管焉則烽軍苦役庶不及民而報警之道  
自專一矣

金錫曹曰江邊烽燧起於滿浦沿江而下至義  
州復逆海而上以至京城而一枝由外叱怪上  
土登公仇非梨洞以至江界而止此使江界知  
江邊之有警而應援於滿浦者也今者新設神  
光牛峴諸鎮則既處內地又無列烽相報之事  
雖有警恐有未及收拾戰備之患此不可不



及時措處者也

①補李漢曰古者烽燧之制自邊方內達亦自京城外通所以徵起都兵周幽王舉烽事可見丘氏衍義有紅燈之制為風雨有妨其法以燬羊角魚鮑骨染紅為之可避風雨而緩急之別以多小為節其言極是是我國丙子之燹使山僧緣山岡出以報諸道其事豈不懸殊耶







